

НА УТРЕНИ, НА БОГ ГОСПОДЬ:

ТРОПАРЬ ПРАЗДНИКА, ГЛАС 1:

Во Иорда́не крещающуся Тебе Го́споди,/ Трои́ческое явися по-
клонéние:/ Родите́лев бо глас свиде́тельствоваше Тебе́,/ воз-
любленнаго Тя Сына имену́я:/ и Ду́х в виде голуби́не,/ изве́ствоваше
словесе́ утвержде́ние,/ явле́йся Христе Бо́же, // и мир просвеще́й
сла́ва Тебе́. [Трижды.]

ВЕЛИЧАНИЕ:

Велича́ем Тя,/ Живода́вче Христе,/ нас ради ны́не плотию кре-
стивша́гося от Иоанна // в вода́х Иорданских.

Псалом избранный:

Воскли́кните Го́сподеви, вся земля́. По́йте же и́мени Его. Да́дите
сла́ву хвалé Его. Повéдите вся чудеса́ Его. Рцýте Богу, коль страш-
на́ дела́ Твоя. Да возвеселя́тся Небеса́, и возра́дуется земля́. Вос-
по́йте Го́сподеви, по́йте и́мени Его. Избавле́ние посла́ людем Свои́м.
Свято́ и стра́шно и́мя Его́. От Сио́на благоле́пие красото́й Его́. Бо́г же
наш на небеси́ и на земли́, вся, елика́ восхотé, сотвори́. Ми́лости
Твоя́, Го́споди, во вéк воспую́. То́й воззовет мя: Оте́ц мой еси́ Ты́. И
Аз пéрвенца положу́ Его, высока́, па́че царей́ земных. И поклóнятся
Ему́ вси ца́рие зéмсти. Кто Бог вéлий, яко Бог наш? Ты́ еси́ Бо́г, тво-
ря́й чудеса́. Мы́шцею си́лы Твоея́ разгна́л еси́ враги́ Твоя́. Из чре́ва
пре́жде денни́цы роди́х Тя. Кля́тсЯ Го́сподь и не раска́ется. Ты́ Ие-
ре́й во век по чи́ну Мелхиседе́кову. Го́сподь рече́ ко Мне: Сын Мой
еси́ Ты́. Аз днесь роди́х Тя. Проси́ от Мене́, и дам Ти язы́ки дос-
тоя́ние Твое́. И одержа́ние Твое́ – концы́ земли́. В главизне́ кни́жней
писа́ся о Мне́. Престо́л Тво́й, Бо́же, в век ве́ка. Жезл пра́вости,
жезл Ца́рствия Твоего́. Сего́ ра́ди пома́за Тя, Бо́же, Бог Твой елеем
ра́дости. Яко Ты́ насле́диши во всех язы́цех. Благослове́н Го́сподь
во век, бу́ди, бу́ди.

Слава, и ны́не: Аллилу́ия: Трижды.

Степенна, 1-й антифон 4-го гласа.

ПРОКИМЕН, ГЛАС 4:

Море ви́де и побеже,/ Иордан возврати́ся вспя́ть.

Стих: Что ти есть море, яко побегло еси? и тебе Иордане, яко возвратился еси вспя́ть?

Всякое дыхание:

Евангелие Марка, зачало 2. [Мк. 1, 9 – 11.]

ПО 50-М ПСАЛМЕ, ГЛАС 2:

Сла́ва Отцу и Сыну и Святому Ду́ху/. **Вся́ческая днесь да возра́дуются, // Христу явльшуся во Иорда́не.**

Ины́не и присно и во веки веков. Аминь./ **Вся́ческая днесь да возра́дуются, // Христу явльшуся во Иорда́не.**

Помилуй, мя Боже:

Таже, стихира самогласна, глас 6:

Бог Слово явился плотию роду челове́ческому,/ **стояше крестити-ся во Иорда́не,/ и глаголаше к Нему Предте́ча:/ како простру руку, и прикоснуся верху Держащаго вся́ческая?/ Аще и от Марии еси Младенец,/ но вем Тя Бога Преве́чнаго:/ по земли ходиши пе-ва́емый от серафим,/ и раб Владыку крещати не научи́хся. // Непостижиме Го́споди, сла́ва Тебе́.**